



永清朱玖
冊藏書記





刻史記抄引

予少好讀史記數見縉紳學士摹畫史記
爲文辭往往專求之句字音響之間而不
得其解譬之寫像者特於鬚眉顴頰耳目
口鼻貌之外見者耳而其中之神與怒而
裂眦喜而解頤悲而疾首思而撫膺孝子
慈孫之所睹而潸然涕洟騷人墨士之所
憑而淒然吊且賦者或耗焉未之及也予



獨疑而求之求之而不得數手其書而鑄
注之三四過已而移官南省時予頗喜自
得其解稍稍詮次輒爲好事者所携去遂
失故本頃罷官歸復以督訓兒輩爲文辭
其所鑄注者如此予按太史公所爲史記
百三十篇除世所傳褚先生別補十一篇
外其他帝王世系或多舛訛制度沿革或
多遺佚忠賢本末或多放失其所論大道

而折衷於六藝之至固不能盡如聖人之
旨而要之指次古今出風入騷譬之韓白
提兵而戰河山之間當其壁壘部曲旌旗
鉦鼓左提右挈中權後勁起伏翱翔倏忽
變化若一夫劒舞於曲旃之上而無不如
意者西京以來千年絕調也卽如班掾漢
書嚴密過之而所當踈宕適逸令人讀之
杳然神游於雲幢羽衣之間所可望而不

可挹者予竊疑班掾猶不能登其堂而洞
其竅也而况其下者乎唐以來獨韓昌黎
爲文極力鑱畫不可不謂之同工也間按
順宗皇帝實錄與秦始皇紀讀之夢不相
及抑可概見其微矣予嘗夢共太史公抽
書石室中面爲指畫夢中若解已而夢醒
則亦了無一言於眉睫之間者予媿今所
鑄引殆亦說夢之餘者耳楊子雲嘗謂顏

予苦孔之卓嗟乎予於公欲求其苦之卓也且不可得矣而敢他望乎予始刻而存之齋中以俟後之好讀其書而能求其至者抄凡若干卷按故本特什之七詳見凡例中故不贅

萬曆乙亥冬十月望日歸安茅坤書于白華樓中

五

7

史記抄凡例

凡一篇本末大旨則挈而鐫之本題之下

凡系一事之大體或提案或結案及文之一切緊關處則長抹或鐫于其旁其或數十字以上則分兩行註

凡書官爵書國書攻城邑書災異書年書一切喫緊字面則短抹

凡非史遷原文與褚先生輩所補者不錄問錄一二段有情事相關者耳

凡不及錄全文而間有文旨雋永者亦爲摘錄

凡據愚見所及或與太史公相出入處亦必鐫之以質世之有識者

凡文之最佳處則圓圈○次則長圈○又次則點按近代諸名家批點如楊升菴特句字與情事奇異者耳惟荆川鐫注處似得其解故不忍遺特加一小圈於其上以別之

附讀史記法

班掾所評太史公已爲百世定論然其上下數千年間大畧各有所本紀三皇五帝處去上古旣遠無文可攷故所載于篇者多不可讀僅錄黃帝紀一首其

紀唐虞三代處大都本尚書僅錄周紀起后稷立國
至武王定商處以存太史公紀帝王之概云○秦紀
錄始皇及二世由太史公去秦未遠而於漢爲勝國
本無忌諱故得以恣情摹畫文最精悍項羽本草莽
不當列之帝王紀其所載次並本楚漢春秋及當時
故老所口傳者情曲而詳大都如畫○高祖紀按年
而紀紀入秦滅項時文甚工卽帝位以後多䟽濶矣
○惠帝以後所次事多散逸諱忌獨呂后稱制與孝
文代來初并文帝遺詔可觀故撮錄之○景帝紀予
按太史公作景帝本紀極言其短及武帝過覽怒而

削去之後坐舉李陵降匈奴下太史公蚕室此紀乃
元成間褚先生補之非太史公本書也○漢武帝紀
並本封禪書而已竊謂武帝多雄材大畧又太史所
躬睹本末何漫至此愚意孔子修春秋而當時卿大
夫猶有欲害之者豈腐刑以後太史公多戒心遂毀
其書而不出耶卽如文景間亦每年僅錄所下明詔
與系時事之大者而已朝廷之大政大議特條見于
將相名臣傳記中不敢詳次如秦紀予竊謂太史公
未定之書也故皆不錄○三代世表予間按歐陽公
所論帝王世系多訛已爲確論○十二諸侯年表○

六國年表○秦楚際月表○漢興以來諸侯年表○
高祖功臣年表○惠景侯者年表○建元以來侯者
年表○漢興以來將相功臣年表予各錄其論一篇
所次當世得失可槩見矣○八書惟平準封禪爲最
河渠次之天官則本唐都故其次諸星緯處頗明而
律曆則以漢去古未遠疇人弟子及裨竈梓慎甘石
諸家所傳猶有存者故多精微之旨予故各錄論一
首至於禮書則本荀卿樂書則本樂記况漢興未遑
而禮崩樂壞特甚太史公之論著殊鹵莽矣姑撮錄
引之首者以存其槩云大較漢一天下後瘡痍未復

制度䟽濶而太史公於當時南北軍兵制及丞相太尉以下職官諸侯王刻符定封得失一切紀綱文章之大者猶多遺佚殊爲可惜○世家諸世家大畧並采世本左傳國語戰國策而吳衛晉越趙魏及田敬仲內外多變故所載次燁然予故全錄別有齊世家襄公下及莊公並以淫嬖相篡弑而其前後情事可監故亦刪錄○孔子雖聖德本不當列世家而次孔子本末處亦非知孔子者僅錄小論一首陳涉特草昧鋤耰之夫而亂天下耳以之并系世家緼縻矣然亂秦本末頗詳又齊悼惠○蕭相國○曹相國○留侯

○陳丞相○絳侯○三王諸世家文並可觀大畧太
史公去高祖特數十年所及考鏡開國功臣時事甚
詳故篇中點次如畫予並錄之○列傳七十凡太史
公所本戰國策者文特嫖姚跌宕如傳刺客則聶政
荆軻如傳公子則信陵平原孟嘗他如傳謀臣戰將
則商鞅伍胥蘇秦張儀范雎蔡澤呂不韋春申司馬
穰苴孫武吳起樂毅廉頗藺相如趙奢李牧田單白
起王翦李斯蒙恬雖不盡出戰國策而秦漢相間不
遠故文獻猶足章章著明太史摹畫絕佳而伯夷屈
原則太史公所得之悲歌慨者尤多故又別爲變調

也。○其入漢以後太史公所最不滿當時情事者漢開邊釁及酷吏殘民故次匈奴大宛并郅都以下文特精悍太史公自以救李陵犯主上並無故人賓客出救又貧不能贖卒下蚕室故於劇孟魯朱家之任俠於猗頓卓氏輩之貨殖俱極摹畫諸將中所最憐者李廣之死與衛霍以內寵益封故文多感歎淮陰黥布之特將樊灌以下之偏裨詳畫以差他如張耳陳餘則感其兩人以刎頸之交相賊殺竇嬰田蚡灌夫則感其三人以賓客之結相傾危酈食其陸賈朱建之客游劉敬叔孫通之獻納季布欒布之節俠袁

盜鼂錯之刑名張釋之馮唐韓長孺之正議石奮衛綰直不疑之謹厚淮南衡山之悖亂汲黯鄭當時之伉聲此皆太史公所慨於心者言人人殊各得其解譬如善寫生者春華秋卉並中神理矣○他如老莊管晏輩列傳雖未盡其旨或姑錄之如樗里穰侯以下不能盡錄者間或按其簡端有鐫注者別爲錄出以便觀覽○讀太史公傳記如與其人從游而深交之者此等處須痛自理會方能識得真景且太史公所擅秦漢以來文章之宗者何惟以獨得其解云耳每讀其二三千言之文如堪輿家之千里來龍到頭

只求一穴讀其小論或斷言隻簡之文如蜉蝣蟻蠓
之生種種形神無所不備讀前段便可識後段結案
處讀後段便可追前段起案處於中欲損益一句一
字處便如於匹練中抽一縷自難下手此皆太史公
所獨得其至非後人所及風調之適逸摹寫之玲瓏
神髓之融液情事之悲憤則又千年以來所絕無者
即如班掾便多崖壑矣魏晉唐宋以下獨歐陽永叔
得其什之一二雖韓昌黎之雄亦由自開門戶到叙
事變化處不能入其堂奧惟毛穎傳則幾幾耳予於
此不能無感

凡例畢

史記抄卷之一

帝紀

五帝本紀

張家曰此篇黃帝征伐之事以先言神農氏能征之能伐以引其端見及四正史家叙事據假類

王維禎曰上古全人解馴援禽獸去理同也亦謂大德

黃帝者少典之子姓公孫名曰軒轅生而神靈弱而能言幼而狗齊長而敦敏成而聰明軒轅之時神農世衰諸侯相侵伐暴虐百姓而神農氏弗能征於是軒轅乃習用干戈呂征不享諸侯咸來賓從而蚩尤最為暴莫能伐炎帝欲侵陵諸侯諸侯咸歸軒轅軒轅乃修德振兵治五氣藝五種撫萬民度四方教熊羆貔貅羆虎周有服不氏掌以與炎帝戰於阪泉之野三戰然後得其教擾猛獸志蚩尤作亂不用帝命於是黃帝乃徵師諸侯與蚩尤

戰於涿鹿之野。遂禽殺蚩尤。而諸侯咸尊軒轅爲天子。
代神農氏。是爲黃帝。天下有不順者。黃帝從而征之。平
者去之。披山通道。未嘗寧居。東至於海。登丸山。及岱宗。
西至於空桐。登雞頭。南至於江。登熊湘。北逐葷粥。合符
釜山。而邑於涿鹿之阿。遷徙往來。無常處。以師兵爲營。
衛官名。皆以雲命。爲雲師。置左右大監。監於萬國。萬國
和。而鬼神山川。封禪與爲多焉。獲寶鼎。迎日推策。舉風
后。力牧。常先。大鴻。以治民。順天地之紀。幽明之占。死生
之說。存亡之難。時播百穀。草木淳化。鳥獸蟲蛾。旁羅日
月。星辰。水波土石金玉。勞勤心力耳目。節用水火材物。

有土德之瑞故號黃帝黃帝二十五子其得姓者十四人黃帝居軒轅之丘而娶於西陵之女是爲嫫祖嫫祖爲黃帝正妃生二子其後皆有天下其一曰玄囂是爲青陽青陽降居江水其二曰昌意降居若水昌意娶蜀山氏女曰昌僕生高陽高陽有聖德焉黃帝崩葬橋山其孫昌意之子高陽立是爲帝顓頊也

五帝紀



史記抄卷之二

周本紀

永清朱樞之字淹頌號玖聃
滂喜堂藏經籍金石書畫記

周后稷名弃其母有邰氏女曰姜原姜原為帝嚳元妃
采詩點綴姜原出野見巨人跡心忻然說欲踐之踐之而身動如
孕者居期而生子以為不祥弃之隘巷馬牛過者皆辟
不踐徙置之林中適會山林多人遷之而弃渠中冰上
飛鳥以其翼覆薦之姜原以為神遂收養長之初欲弃
之因名曰弃弃為兒時屹如巨人之志其遊戲好種樹
麻菽麻菽美及為成人遂好耕農相地之宜宜穀者稼
穡焉民皆法則之帝堯聞之舉弃為農師天下得其利

有功帝舜曰弃黎民始飢爾后稷播時百穀封弃於郃
號曰后稷別姓姬氏^總后稷之興在陶唐虞夏之際皆有
令德^{音杜}后稷卒子不窋立不窋末年夏后氏政衰去稷不
務不窋以失其官而犇戎狄之間不窋卒子鞠立鞠卒
子公劉立公劉雖在戎狄之間復修后稷之業務耕種
行地宜自漆沮渡渭取材用行者有資居者有畜積民
賴其慶百姓懷之多徙而保歸焉周道之興自此始^{又提}故
詩人歌樂思其德公劉卒子慶節立國於豳慶節卒子
皇僕立皇僕卒子差弗立差弗卒子毀隃立毀隃卒子
公非立公非卒子高圉立高圉卒子亞圉立亞圉卒子

公叔祖類立公叔祖類卒子古公亶父立古公亶父復

修后稷公劉之業文一提積德行義國人皆戴之薰育戎狄攻

之欲得財物予之已復攻欲得地與民民皆怒欲戰古

公曰有民立君將以利之今戎狄所爲攻戰以吾地與

民民之在我與其在彼何異民欲以我故戰殺人父子

而君之予不忍爲乃與私屬遂去豳渡漆沮踰梁山止於

岐下豳人舉國扶老攜弱盡復歸古公於岐下及他旁

國聞古公仁亦多歸之於是古公乃貶夷狄之俗而營

築城郭室屋而邑別居之作五官有司民皆歌樂之頌

其德古公有長子曰太伯次曰虞仲太姜生少子季歷

季歷娶太任皆賢婦人生昌有聖瑞古公曰我世當有
興者其在昌乎長子太伯虞仲知古公欲立季歷以傳
昌乃二人亡如荊蠻文身斷髮以讓季歷古公卒季歷
立是爲公季公季修古公遺道篤於行義諸侯順之公
季卒子昌立是爲西伯西伯曰文王遵后稷公劉之業
則古公公季之法篤仁敬老慈少禮下賢者日中不暇
食以待士士以此多歸之伯夷叔齊在孤竹聞西伯善
養老盍往歸之太顛閔夭散宜生鬻子辛甲大夫之徒
皆往歸之崇侯虎譖西伯於殷紂曰西伯積善累德諸
侯皆嚮之將不利於帝帝紂乃囚西伯於羑里閔天之

徒患之乃求有莘氏美女驪戎之文馬有熊九駟他奇
怪物因殷嬖臣費仲而獻之紂紂大說曰此一物足以
釋西伯况其多乎乃赦西伯賜之弓矢斧鉞使西伯得
征伐曰諧西伯者崇侯虎也西伯乃獻洛西之地以請
紂去炮烙之刑紂許之西伯陰行善諸侯皆來決平於
是虞芮之人有獄不能決乃如周入界耕者皆讓畔民
俗皆讓長虞芮之人未見西伯皆慙相謂曰吾所爭周
人所耻何往爲祇取辱耳遂還俱讓而去諸侯聞之曰
西伯蓋受命之君明年伐犬戎明年伐密湏明年敗耆
國殷之祖伊聞之懼以告帝紂紂曰不有天命乎是何

高云周礼連山歸
藏之易六經卦之八
其別比之字者
則字之卦之伏義
書之夏商傳之
非文王蓋之也
西伯受命子
歐陽子云辨之
此取史記文以
之好

能為明年伐邢明年伐崇侯虎而作豐邑自岐下而徙
都豐明年西伯崩太子發立是為武王西伯蓋即位五
十年其囚羑里蓋益易之八卦為六十四卦詩人道西
伯蓋受命之年稱王而斷虞芮之訟後十年而崩謚為
文王改法度制正朔矣追尊古公為太王公季為王季
蓋王瑞自太王興武王即位太公望為師周公旦為輔
召公畢公之徒左右王師修文王緒業九年武王上祭
于畢東觀兵至于盟津為文王木主載以車中軍武王
自稱天子發言奉文王以伐不敢自專乃告司馬司徒
司空諸節齊栗信哉予無知以先祖有德臣小子受先

三乃东及

功畢力賞罰以定其功遂興師師尚父號曰總爾衆庶
與爾舟楫後至者斬武王渡河中流白魚躍入王舟中
武王俯取以祭既渡有火自上復于下至于王屋流爲
烏其色赤其聲魄云是時諸侯不期而會孟津者八百
諸侯諸侯皆曰紂可伐矣武王曰女未知天命未可也
乃還師歸居二年聞紂昏亂暴虐滋甚殺王子比干囚
箕子大師疵少師彊抱其樂器而犇周於是武王徧告
諸侯曰殷有重罪不可以不畢伐乃遵文王遂率戎車
三百乘虎賁三千人甲士四萬五千人以東伐紂十一
年十二月戊午師畢渡盟津諸侯咸會曰孳孳無怠武

王乃作太誓告于衆庶。今殷王紂乃用其婦人之言，自
絕于天，毀壞其三正，離遏其王父母弟，乃斷弃其先祖
之樂，乃爲淫聲，用變亂正聲，怡說婦人，故今予發維共
行天罰，勉哉夫子，不可再，不可三。二月甲子，昧爽，武王
朝至于商郊牧野，乃誓。武王左杖黃鉞，右秉白旄，以麾
曰：「遠矣，西王之人。」武王曰：「嗟，我有國家，君司徒、司馬、司
空、亞旅、師氏、千夫長、百夫長及庸、蜀、羌、髳、微、纁、彭、濮人，
稱爾戈，比爾干，立爾矛，予其誓。」王曰：「古人有言，牝雞無
晨，牝雞之晨，惟家之索。」今殷王紂維婦人言，是用自弃
其先祖，肆祀不答，昏弃其家國，遺其王父母弟，不用。

自陳師牧野
起至四野
汲冢克殷
篇

乃維四方之多罪逋逃是崇是長是信是使俾暴虐于
百姓以茲軌于商國今予發維共行天之罰今日之事
不過六步七步乃止齊焉夫子勉哉不過於四伐五伐
六伐七伐乃止齊焉勉哉夫子尚桓桓如虎如龍如豺
如離于商郊不禦克狝以役西土勉哉夫子爾所不勉
其于爾身有戮誓已諸侯兵會者車四千乘陳師牧野
帝紂聞武王來亦發兵七十萬人距武王武王使師尚
父與百夫致師以大卒馳帝紂師紂師雖衆皆無戰之
心心欲武王亟入紂師皆倒兵以戰以開武王武王馳
之紂兵皆崩畔紂紂走反入登于鹿臺之上蒙衣其珠

高云縣頭太白
武王無事出
儒金已解其去

次入商以下如畫

玉自燔于火而死。武王持太白旗以麾諸侯。諸侯畢拜。
武王。武王乃揖諸侯。諸侯畢。從武王至商國。商國百姓
咸待於郊。於是武王使群臣告語商百姓曰：「上天降休
商人。皆再拜稽首。武王亦荅拜。遂入至紂死所。武王自
射之三發。而後下車。以輕劍擊之。以黃鉞斬紂頭。縣太
白之旗。已而至紂之嬖妾二女。二女皆經自殺。武王又
射三發。擊以劍。斬以玄鉞。縣其頭。小白之旗。武王已。乃
出復軍。其明日除道修社。及商紂宮。及期。百夫荷罕旗。
以先驅。武王弟叔振鐸奉陳常車。周公旦把大鉞。畢公
把小鉞。以夾武王。散宜生太顛閎夭皆執劍以衛武王。

鍾注者精席
之名

膺更三句係
尹佚筮祝語

此下凡用六字
當以

既入立于社南大卒之左右畢從毛叔鄭奉明水衛康
叔封布茲召公奭贊采師尚父牽牲尹佚筮祝曰殷之
末孫季紂殄廢先王明德侮蔑神祇不祀昏暴商邑百
姓其章顯聞于天上帝於是武王再拜稽首曰膺更
太命革殷受天明命武王又再拜稽首乃出封商紂子
祿父殷之餘民武王爲殷初定未集乃使其弟管叔鮮
蔡叔度相祿父治殷已而命召公釋箕子之囚命畢公
釋百姓之囚表商容之間命南宮括散鹿臺之財發鉅
橋之粟以振貧弱萌隸命南宮括史佚展九鼎保玉命
閔天封比干之墓命宗祝享祠于軍乃罷兵西歸行狩

此下凡用十於字
皆玩

自徵九牧起至
而必多是及
冢書度邑
篇

記政事作武成封諸侯班賜宗彝作分殷之器物武王
追思先聖王乃褒封神農之後於焦黃帝之後於祝帝
堯之後於蓊帝舜之後於陳大禹之後於杞於是封功
臣謀士而師尚父爲首封封尚父於營丘曰齊封弟周
公旦於曲阜曰魯封召公奭於燕封弟叔鮮於管弟叔
度於蔡餘各以次受封武王徵九牧之君登爾之阜以
望商邑武王至于周自夜不寐周公旦即王所曰曷爲
不寐王曰告女維天不饗殷自發未生於今六十年麋
鹿在牧蜚鴻滿野天不饗殷乃今有成維天建殷其登
名民三百六十夫不顯亦不賓滅以至今我未定天保

何暇寐王曰定天保依天室悉求夫惡貶從殷王受日
夜勞來我西土我維顯服及德方明自洛汭延于伊汭
居易毋固其有夏之居我南望三塗北望嶽鄙顧詹有
河粵詹維伊毋遠天室營周居于維維邑而後去縱馬於
華山之陽放牛於桃林之虛偃干戈振兵釋旅示天下
不復用也

周紀畢

Blank columns for text.



史記抄卷之三

秦始皇本紀

秦與趙同祖以趙
城乃秦叔姓趙長

秦始皇帝者秦莊襄王子也。莊襄王爲秦質子於趙，見
呂不韋姬，悅而取之，生始皇。以秦昭王四十八年正月
生於邯鄲。及生，名爲政，姓趙氏。年十三歲，莊襄王死，政
代立爲秦王。當是之時，秦地已并巴蜀、漢中，越宛、有郢
置南郡矣。北收上郡，以東有河東、太原、上黨郡，東至滎
陽，滅二周，置三川郡。將言始皇誅六王呂不韋爲相，封
十萬戶，號曰文信侯，招致賓客游士，欲以并天下。李斯
爲舍人，蒙騫、王齕、麇公等爲將軍。王年少，初即位，委國

楊慎曰此俱編
年身帝紀說也

史記抄卷之三

卷之三

乙

定反臣書

四百十八

事大臣晉陽反以後用元年將軍蒙騫擊定之二年庶

公將卒攻卷力戰書斬首三萬三年蒙騫攻韓取十三城王齕

死十月將軍蒙騫攻魏氏音場有詭歲大飢災異書四年拔陽有

詭三月軍罷秦質子歸自趙趙太子出歸國十月庚寅

蝗蟲從東方來蔽天天下疫百姓內粟千石內粟說拜爵一級

五年將軍騫攻魏定酸棗燕虛長平雍丘山陽城皆拔

之取二十城初置東郡冬雷六年韓魏趙衛楚共擊秦

取壽陵秦出兵五國兵罷拔衛迫東郡其君角兵兆書率其支

屬徙居野王阻其山以保魏之河內七年彗星先出東

方見北方五月見西方將軍騫死以攻龍孤慶都還兵

自殺辟野之田
一婦即劉切音湯家遠
姓也
士馬謖曰毒一日

攻汲彗星復見西方十六日夏太后死八年王弟長安
君成蟜將軍擊趙反死屯留軍吏皆斬死遷其民於臨
洮將軍壁死卒屯留蒲鶮反戮其屍河魚大上輕車重
馬東就食嫪毐封為長信侯予之山陽地令毐居之宮
室車馬衣服苑囿馳獵恣毐事無大小皆決於毐又以
河西大原郡更為毐國九年彗星見或竟天攻魏垣蒲
陽四月上宿雍巳酉王冠帶劔長信侯毐作亂而覺矯
王御璽及太后璽以發縣卒及衛卒官騎戎翟君公舍
人將欲攻斬年宮為亂王知之令相國昌平君昌文君
發卒攻毐次定毒之戰咸陽斬首數百兵變書皆拜爵及宦者

重初四月見彗不
以時心以平春
再書為桓十二年
來

董仲舒曰不先記秦
政而太居而遠及
茅焦恐大前

皆在戰中亦拜爵一級毒等敗走即令國中有生得毒
賜錢百萬殺之五十萬盡得毒等衛尉竭內史肆佐弋
竭中大夫令齊等二十人皆梟首車裂以徇滅其宗及
其舍人輕者為鬼薪及奪爵遷蜀四千餘家家房陵四
月寒凍有死者楊端和攻衍氏彗星見西方又見北方
從斗以南八十日十年相國呂不韋坐嫪毐免桓齮為
將軍齊趙來置酒齊人茅焦說秦王曰秦方以天下為
事而大王有遷母太后之名恐諸侯聞之由此倍秦也
秦王乃迎太后於雍而入咸陽復居甘泉宮大索逐客
李斯上書說乃止逐客令李斯因說秦王請先取韓以

正論

利令智昏

借筆草草
出處王妙也

恐他國於是使斯下韓韓王患之與韓非謀弱秦大梁
 人尉繚來說秦王曰以秦之彊諸侯譬如郡縣之君臣
 但恐諸侯合從翕而出不意此乃智伯夫差湣王之所
 以亡也願大王毋愛財物賂其豪臣以亂其謀漢高以黃金四
 十萬忽陳不過亡三十萬金則諸侯可盡秦王從其計
 平本此見尉繚亢禮衣服食飲與繚同繚曰秦王為人蜂準長
 目擊鳥鷹豺聲繚料兵先料君如神少恩而虎狼心居約易出人
 下得志亦輕食人我布衣然見我常身自下我誠使秦
 王得志於天下天下皆為虜矣不可與久游乃亡去秦
 王覺固止以為秦國尉卒用其計策而李斯提用事十一

三百攻前又和
攻前歸歸收
文信三變四二
妙

張象曰奪爵
遷勿奪爵此上
下顛倒白也

年王翦桓齮楊端和攻鄴取九城王翦攻闕與橐楊皆
并爲一軍翦將十八日軍歸斗食以下什推二人從軍

取鄴安陽桓齮將十二年文信侯不韋死竊葬其舍人

哭也

大刑罰書

臨者晉人也逐出之秦人六百石以上奪爵遷五百石

以下不臨遷勿奪爵自今以來操國事不道如嫪毐不

韋者籍其門視此秋復嫪毐舍人遷蜀者當是之時天

下大旱六月至八月乃雨十三年桓齮攻趙平陽殺趙

將扈輒斬首十萬王之河南正月彗星見東方十月桓

齮攻趙十四年攻趙軍於平陽取宜安破之殺其將軍

桓齮定平陽武城韓非使秦秦用李斯謀留非非死雲

陽韓王請爲臣十五年大興兵一軍至鄴一軍至太原
取狼孟地動十六年九月發卒受地韓南陽假守騰初
令男子書年書滅韓魏獻地於秦秦置麗邑十七年內史騰攻
韓得韓王安盡納其地以其地爲郡命曰潁川地動華
陽太后卒民大飢十八年大興兵攻趙王翦將上地下
井陘端和將河內羗魏伐趙端和圍邯鄲城十九年王
翦羗魏盡定取趙地東陽得趙王引兵欲攻燕屯中山
秦王之邯鄲諸常與王生趙時母家有仇怨皆阮之秦
王還從太原上郡歸始皇帝母太后崩趙公子嘉率其
宗數百人之代自立爲代王東與燕合兵軍上谷大飢

二十年燕太子丹患秦兵至國恐使荆軻刺秦王秦王
覺之體解軻以徇而使王翦辛勝攻燕燕代發兵擊秦
軍秦軍破燕易水之西二十一年王賁攻薊書滅燕乃益發卒
詣王翦軍遂破燕太子軍取燕薊城得太子丹之首燕
王東收遼東而王之王翦謝病老歸罷名將書新鄭反昌平君徙
於郢書滅魏大雨雪深二尺五寸二十二年王賁攻魏引河溝
灌大梁大梁城壞其王請降盡取其地二十三年秦王
復召王翦彊起之使將擊荆取陳以南至平輿書滅楚荆王
秦王游至郢陳荆將項燕立昌平君為荆王反秦於淮
南二十四年王翦蒙武攻荆破荆軍昌平君死項燕遂

自殺二十五年大興兵使王賁將攻燕遼東得燕王喜
還攻代虜代王嘉王翦遂定荆江南地降越君置會稽
郡五月天下大酺二十六年齊王建與其相后勝發兵
守其西界不通秦秦使將軍王賁從燕南攻齊得齊王
建秦初并天下令丞相御史曰異日韓王納地效璽請
爲藩臣次六國罪案如掌與項羽定諸侯而自西楚霸王約文並宕逸已而倍約與趙
魏合從畔秦故興兵誅之虜其王寡人以爲善庶幾息
兵革趙王使其相李牧來約盟故歸其質子已而倍盟
反我太原故興兵誅之得其王趙公子嘉乃自立爲代
王故舉兵擊滅之魏王始約服入秦已而與韓趙謀襲

秦秦兵吏誅遂破之。荆王獻青陽以西已而畔約擊我南郡故發兵誅得其王遂定其荆地。燕王昏亂其太子丹乃陰令荆軻爲賊兵吏誅滅其國。齊王用后勝計絕秦使欲爲亂兵吏誅虜其王平齊地寡人以眇眇之身興兵誅暴亂賴宗廟之靈六王咸伏其辜天下大定今名號不更無以稱成功傳後世其議帝號丞相綰御史大夫劫廷尉斯等皆曰昔者五帝地方千里其外侯服夷服諸侯或朝或否天子不能制今陛下興義兵誅殘賊平定天下海內爲郡縣法令由一統自上古以來未嘗有五帝所不及臣等謹與博士議曰古有天皇有地

議帝號

高云退王三代周宗
已有方祀而秦則止
及文方於祖宗
思外

除謚法

皇有泰皇。泰皇最貴。臣等昧死上尊號。王為泰皇。命為
 制。令為詔。天子自稱曰朕。王曰去。泰著皇。采上古帝位
 號。號曰皇帝。他如議。制曰可。追尊莊襄王為大上皇。制
 曰。朕聞太古有號。毋謚。中古有號。死而以行為謚。如此
 則子議父。臣議君也。後世稱大上皇助此甚無謂。朕弗取焉。自今
 已來。除謚法。朕為始皇帝。後世以計數。二世三世至于
 萬世。傳之無窮。始皇推終始五德之傳。齊人鄒子之徒論著終始五德
之運始以為周得火德。秦代周德。從所不勝。方今水德
 之始。改年始。朝賀皆自十月朔。衣服旄旌節旗皆上黑
 數以六為紀。符法冠皆六寸而輿六尺。六尺為步。乘六

馬更名河曰德水。以爲水德之始。剛毅戾深。事皆決於法。刻削毋仁恩和義。然後合五德之數。於是急法久者秦之政本此不赦。丞相綰等言。諸侯初破。燕齊荆地遠。不爲置王。毋以填之。請立諸子。唯上幸許。始皇下其議於群臣。群臣皆以爲便。廷尉李斯議曰。周文武所封子弟同姓甚衆。然後屬疏遠。相攻擊如仇讐。諸侯更相誅伐。周天子弗能禁止。今海內賴陛下神靈。一統皆爲郡縣。諸子功臣以公賦稅重賞賜之。甚足。易制天下。無異意。則安寧之術也。置諸侯不便。始皇曰。天下共苦戰鬪不休。以有侯王。賴宗廟。天下初定。又復立國。是樹兵也。而求其寧息。

論不爲不宜以
事敗非之

廢封建

典為首相始
應

鍾云按始皇并
天下凡五巡

豈不難哉。廷尉議是能侯置守書分天下以為三十六郡。郡置守尉。

監銷兵書更名民曰黔首。大酺收天下兵聚之咸陽。銷以為鍾。

鑪金人十二重各千石置宮廷中。更制書一法度衡石丈尺車

同軌書同文字地東至海暨朝鮮西至臨洮封域書羗中南至

北嚮戶北據河為塞並陰山至遼東徙豪書徙天下豪富於咸

陽十二萬戶諸廟及章臺上林皆在渭南富宮室書秦每破諸侯

寫放其宮室作之咸陽北阪上南臨渭自雍門以東至

涇渭殿屋複道周閣相屬所得諸侯美人鍾鼓以充入

之二十七年始巡幸書始皇巡隴西北地出雞頭山過回中焉作

信宮渭南已更命信宮為極廟象天極自極廟道通酈

史記卷六十五
秦始皇本紀第六十五

每三句為一韵

山作甘泉前殿築甬道自咸陽屬之是歲賜爵一級治

馳道二十八年始皇東行郡縣上鄒嶧山立石與魯諸

儒生議刻石頌秦德議封禪望祭山川之事封泰山禪梁父刻石

書乃遂上泰山立石封祠祀下風雨暴至休於樹下因

封其樹為五大夫禪梁父刻所立石其辭曰皇帝臨位

作制明法臣下修飭二十有六年五字句初并天下罔不賓服

親巡遠方黎民登茲泰山周覽東極從臣思迹本原事

業祗誦功德治道運行諸產得宜皆有法式大義休明

垂于後世順承勿革皇帝躬聖既平天下不懈于治風

興夜寐建設長利專隆教誨訓經宣達遠近畢理咸承

高云其年三十
二山每事必提皇
帝守以極節
之義

聖志貴賤分明男女禮順慎遵職事昭隔內外靡不清
淨施于後嗣化及無窮遵奉遺詔永承重戒於是乃並
勃海以東過黃膳窮成山登之罘立石頌秦德焉而去
登琅邪大樂之留三月乃徙黔首三萬戶琅邪臺下復
十二歲作琅邪臺立石刻頌秦德明德意曰維二十六
年皇帝作始端平法度萬物之紀以明人事合同父子
聖智仁義顯白道理東撫東土以省卒士事已大畢乃
臨于海皇帝之功勤勞本事上農除末黔首是富普天
之下博心揖志器械一量同書文字日月所照舟輿所
載皆終其命莫不得意應時動事是維皇帝匡飭異俗

高云此下二西月
碑詞以跋後也

陵水經地憂恤黔首朝夕不懈除疑定法咸知所辟方
伯分職諸治經易舉錯必當莫不如畫皇帝之明臨察
四方尊卑貴賤不踰次行姦邪不容皆務貞良細大盡
力莫敢怠荒遠邇辟同辟隱專務肅莊端直敦忠事業有常
皇帝之德存定四極誅亂除害興利致福節事以時諸
產繁殖黔首安寧不用兵革六親相保終無寇賊驩欣
奉教盡知法式六合之內修皇帝之土西涉流沙南盡北
戶東有東海北過大夏人迹所至無不臣者功蓋五帝
澤及牛馬莫不受德各安其宇維秦王兼有天下立名
爲皇帝乃撫東土至于琅邪列侯武城侯王離列侯通

鍾云以史記
卷之四

武侯王賁倫侯建成侯趙亥倫侯昌武侯成倫侯武信
侯馮毋擇丞相隗林丞相王綰卿李斯卿王戊五大夫
趙嬰五大夫楊樛從與議於海上曰古之帝者地不過
千里諸侯各守其封域或朝或否相侵暴亂殘伐不止
猶刻金石以自爲紀古之五帝三皇知教不同法度不
明假威鬼神以欺遠方實不稱名故不久長其身未歿
諸侯倍叛法令不行今皇帝并一海內以爲郡縣天下
和平昭明宗廟體道行德尊號大成群臣相與誦皇帝
功德刻于金石以爲表經既已齊人徐市等上書言海
中有三神山名曰蓬萊方丈瀛洲僊人居之請得齋戒

與童男女求之。於是遣徐市發童男女數千人入海求
僊人。始皇還過彭城，齋戒禱祠，欲出周鼎泗水，使千人
沒水求之，弗得。乃西南渡淮水之衡山。南郡浮江至湘
山祠，逢大風，幾不得渡。上問博士曰：「湘君何神？」博士對
曰：「聞之堯女舜之妻而葬此。」於是始皇大怒，使刑徒三
千人皆伐湘山樹，赭其山上。自南郡由武關歸。二十九
年，始皇東游，至陽武博狼沙中，爲盜所驚，求弗得。乃令
天下大索十日，登之罘，刻石。其辭曰：「維二十九年，時在
中春，陽和方起，皇帝東游，巡登之罘，臨照于海。從臣嘉
觀，原念休烈，追誦本始，大聖作治，建定法度，顯著綱紀。」

外教諸侯光施文惠明以義理六國回辟貪戾無厭虐
殺不已皇帝哀衆遂發討師奮揚武德義誅信行威燁
旁達莫不賓服烹滅彊暴振救黔首周定四極普施明
法經緯天下永爲儀則三字句大矣哉宇縣之中承順聖意群
臣誦功請刻于石表五字句垂于常式其東觀曰維二十九年
皇帝春游覽省遠方逮于海隅遂登之罘昭臨朝陽觀
望廣麗從臣咸念原道至明聖法初興清理疆内外誅
暴彊武威旁暢振動四極禽滅六王闡并天下菑害絕
息未偃戎兵皇帝明德經理宇内視聽不怠作立大義
昭設備噐咸有章旗職臣遵分各知所行無嫌疑黔首

增入
旋字依他本

改化遠邇同度臨古絕尤常職既定後嗣循業長承聖

治群臣嘉德祇誦聖烈請刻之罽施遂之琅邪道上黨入

無事書

三十年無事三十一年十二月微行書更名臘曰嘉平賜黔首

里六石米二羊始皇爲微行咸陽與武士四人俱夜出

逢盜蘭池見窘武士擊殺盜關中大索二十日米石千

六百三十二年始皇之碣石使燕人盧生求羨門高誓

刻碣石門壞城郭決通隄防其辭曰遂興師旅誅戮無

道爲逆滅息武殄暴逆文復無罪庶心咸服惠論功勞

賞及牛馬恩肥土域皇帝奮威德并諸侯初一泰平墮

音選

壞城郭決通川防夷去險阻地勢既定黎庶無繇天下

咸撫男樂其疇女修其業事各有序惠被諸產久並來
田莫不安所群臣誦烈請刻此石垂著儀矩因使韓終
侯公石生求僊人不死之藥始皇巡北邊從上郡入燕
人盧生使入海還以鬼神事因奏錄圖書曰亡秦者胡
也始皇乃使將軍蒙恬發兵三十萬人北擊胡略取河
南地三十三年黷兵書發諸嘗逋亡人贅壻賈人略取陸梁地
爲桂林象郡南海以適遣戍西北斥逐匈奴自榆中並
河以東屬之陰山以爲三十四縣城河上爲塞又使蒙
恬渡河取高闕陶山北假中後世邊多亭障本此築亭鄣曰逐戎人徙謫實
之初縣禁不得祠明星出西方三十四年適治獄吏不

直者築長城及南越地。始皇置酒咸陽宮，博士七十人
前爲壽。僕射周青臣進頌曰：「他時秦地不過千里，賴陛下
神靈明聖，平定海內，放逐蠻夷，日月所照，莫不賓服。以
諸侯爲郡縣，人人自安樂，無戰爭之患，傳之萬世，自上
古不及陛下威德。」始皇悅。博士齊人淳于越進曰：「臣聞
殷周之王，千餘歲，封子弟功臣，自爲枝輔。今陛下有海
內，而子弟爲匹夫，未有田常六卿之臣，無輔拂，何以相
救哉？事不師古而能長久者，非所聞也。今青臣又面諛，
以重陛下之過，非忠臣。」始皇下其議。丞相李斯曰：「五帝
不相復，三代不相襲，各以治，非其相反時變異也。今陛

直諫書

當詳斯本傳中

創大業建萬世之功。固非愚儒所知。且越言乃三代之
事。何足法也。異時諸侯並爭。厚招游學。今天下已定。法
令出一。百姓當家。則力農工。士則學習法令。辟禁。今諸
生不師今而學古。以非當世。惑亂黔首。丞相臣斯昧死
言。古者天下散亂。莫之能一。是以諸侯並作。語皆道古
以害今。飾虛言以亂實。人善其所私學。以非上之所建。
立。斯之懷。諫如此。今皇帝并有天下。別黑白而定一尊。私學而
相與非法教人。聞令下。則各以其學議之。入則心非。出
則巷議。夸主以爲名。異取以爲高。率群下以造謗。如此
弗禁。則主勢降乎上。斯之罪。通天矣。黨與成乎下。禁之便。臣請

焚書詩

宮作阿房

史官非秦記皆燒之。非博士官所職。天下敢有藏詩書、
百家語者。悉詣守尉雜燒之。有敢偶語詩書。棄市。以古
非今者。族。吏見知不舉者。與同罪。令下三十日。不燒。黥
爲城旦。所不去者。醫藥卜筮種樹之書。若欲有學法令
以吏爲師。制曰可。三十五年。除道。道九原。抵雲陽。塹山
堙谷。直通之。於是始皇以爲咸陽人多。先王之宮廷小。
吾聞周文王都豐。武王都鎬。豐鎬之間。帝王之都也。乃
營作朝宮。渭南上林苑中。先作前殿。阿房東西五百步。
南北五十丈。上可以坐萬人。下可以建五丈旗。周馳爲
閣道。自殿下直抵南山。表南山之顛以爲闕。爲複道。自

修宮室書

阿房渡渭屬之咸陽以象天極閣道絕漢抵營室也阿
房宮未成欲更擇令名名之作宮阿房故天下謂之
阿房宮隱宮徒刑者七十餘萬人乃分作阿房宮或作
麗山發北山石棹乃寫蜀荆地材皆至關中計宮三百
關外四百餘於是立石東海上胸界中以為秦東門因
徙修三萬家麗邑五萬家雲陽皆復不事十歲盧生說始
皇曰臣等求芝奇藥僊者常弗遇類物有害之者方中
人主時為微行以辟惡鬼惡鬼辟真人至人主所居而
人臣知之則害於神真人者入水不濡入火不爇陵雲
氣與天地久長今上治天下未能恬淡願上所居宮毋

乃令以下皆弗令人知之是令也

此亦是弗令人知之是令也

令人知然後不死之藥殆可得也於是始皇曰吾慕真人自謂真人不稱朕乃令咸陽之旁後二百里內宮觀二百七十復道甬道相連帷帳鐘鼓美人充之各案署不移徙行所幸有言其處者罪死始皇帝幸梁山宮從山上見丞相車騎衆弗善也中人或告丞相丞相後撝車騎始皇怒曰此中人泄吾語案問莫服當是時詔捕諸時在旁者皆殺之自是後莫知行之所在聽事群臣受決事悉於咸陽宮侯生盧生相與謀曰始皇爲人天性剛戾自用起諸侯并天下意得欲從以爲自古莫及也專任獄吏獄吏得親幸博士雖七十人特備員弗用丞

言表賤奏請
秤取石

漢詔所自出

相諸大臣皆受成事倚辦於上上樂以刑殺爲威天下
畏罪持祿莫敢盡忠上不聞過而日驕下懾伏謾欺以
取容秦法不得兼方不驗輒死然候星氣者至三百人
皆良士畏忌諱諛不敢端言其過天下之事無大小皆
決於上上至以衡石量書日夜有呈不中呈不得休息
貪於權勢至如此恣秦無道
數言已盡未可爲求僊藥於是乃亡
去始皇聞亡乃大怒曰吾前收天下書不中用者盡去
之悉召文學方術士甚衆欲以興太平方士欲練以求
奇藥今聞韓衆去不報徐市等費以巨萬計終不得藥
徒姦利相告日聞盧生等吾尊賜之甚厚今乃誹謗我

阮儒

此已秦時胡
所以由起也

以重吾不德也。諸生在咸陽者，吾使人廉問，或爲詖言，以亂黔首。於是使御史悉案問諸生，諸生傳相告引，乃自除犯禁者四百六十餘人，皆阮之咸陽，使天下知之，以懲後。益發謫徙邊。始皇長子扶蘇諫曰：「天下初定，遠方黔首未集，諸生皆誦法孔子，今上皆重法繩之，臣恐天下不安。」唯上察之。始皇怒，使扶蘇北監蒙恬於上郡。三十六年，熒惑守心，有墜星下東郡。至地爲石，黔首或刻其石曰：「始皇帝死而地分。」始皇聞之，遣御史逐問，莫服。盡取石旁居人誅之，因燔銷其石。始皇不樂，使博士爲僊真人詩，及行所游天下，傳令樂人譌弦之。秋，使者

暴怒

祖也龍之象
召始皇也

從關東夜過華陰平舒道有人持壁遮使者曰爲吾遺

漈池君

水神

因言曰今年祖龍死使者問其故因忽不見

置其壁去使者奉壁具以聞始皇默然良久曰山鬼固

不過知一歲事也退言曰祖龍者人之先也使御府視

壁乃

異

二十八年行渡江所沈壁也於是始皇卜之卦得

游徙吉

按游徙是巡游為
次年出游張本

遷北河榆中三萬家拜爵一

級

三十七年十月癸丑始皇出游左丞相斯從右丞相

去疾守少子胡亥愛慕請從上許之十一月行至雲夢

望祀虞舜於九疑山浮江下觀籍柯渡海渚過丹陽至

錢唐臨浙江水波惡乃西百二十里從狹中渡上會稽

祭大禹望于南海而立石刻頌秦德其文曰皇帝休烈
平一字內德惠脩長三十有七年親巡天下周覽遠方
遂登會稽宣省習俗黔首齋莊群臣誦功本原事迹追
首高明秦聖臨國始定刑名顯陳舊章初平法式審別
職任以立恒常六王專倍貪戾傲猛率衆自彊暴虐恣
行負力而驕數動甲兵陰通間使以事合從行爲辟方
內飾詐謀外來侵邊遂起禍殃義威誅之殄熄暴悖亂
賊滅亡聖德廣密六合之中被澤無疆皇帝并宇兼聽
萬事遠近畢清運理群物考驗事實各載其名貴賤並
通善否陳前靡有隱情節省宣義有子而嫁倍死不貞

三章俱三句
一韵

高云詭語其

細集始皇之縣

防隔内外禁止淫泆男女絜誠夫爲寄殺殺之無罪男
秉義程妻爲逃嫁子不得母咸化廉清大治濯俗天下
承風蒙被休經皆遵度軌和安敦勉莫不順令黔首脩
潔人樂同則嘉保太平後敬奉法常治無極輿舟不傾
從臣誦烈請刻此石光垂休銘還過吳從江乘渡並海
上北至琅邪方士徐市等入海求神藥數歲不得費多
恐譴乃詐曰蓬萊藥可得然常爲大鯨魚所苦故不得
至願請善射與俱見則以連弩射之始皇夢與海神戰
如人狀問占夢博士曰水神不可見以大魚蛟龍爲候
今上禱祠備謹而有此惡神當除去而善神可致乃令

入海者齎捕巨魚具而自以連弩候大魚出射之自琅邪北至榮成山弗見至之罘細叙始皇之驂見巨魚射殺一魚

遂並海西至平原津而病始皇惡言死群臣莫敢言死

事上病益甚乃為璽書賜公子扶蘇曰與喪會咸陽而

葬始皇崩本末特詳斯傳中故於此畧書已封在中車府令趙高行符璽

事所未授使者七月丙寅始皇崩于沙丘平臺丞相斯

為上崩在外恐諸公子及天下有變乃秘之不發喪棺

載輜涼車中故幸宦者參乘所至上食百官奏事如故

宦者輒從輜涼車中可其奏事獨子胡亥趙高及所幸

宦者五六人知上死趙高故嘗教胡亥書及獄律令法

官振自此下皆以
任用趙高為丞相
三平節之提撥蓋
亡秦非胡也而誤
胡非趙也

寫去抄都序而
文注之皆蓋大
著亥煥鍊

陰謀二字下文昭之

事胡亥私幸之高乃與公子胡亥丞相斯陰謀破去始
皇所封書賜公子扶蘇者而更詐為丞相斯受始皇遺
詔沙丘立子胡亥為太子更為書賜公子扶蘇蒙恬數
以罪其賜死語具在李斯傳中行遂從井陘抵九原會
暑上輶車臭乃詔從官令車載一石鮑魚以亂其臭行
從直道至咸陽發喪太子胡亥襲位為二世皇帝九月
後葬書葬始皇酈山始皇初即位穿治酈山及并天下徒
送詣七十餘萬人穿三泉下銅而致椁宮觀百官奇器
珍怪徙藏滿之令匠作機弩矢有所穿近者輒射之以
水銀為百川江河大海機相灌輸上具天文下具地理

鍾注義音延下同
記家申神道

以人魚膏爲燭度不滅者久之。○句奇二世曰先帝後宮非有

子者出焉不宜皆令從死死殉葬書者甚衆葬既已下或言工

匠爲機藏皆知之藏重即泄大事畢已藏閉中羨下外

羨門○濫刑至此盡閉工匠藏者無復出者樹草木○龍庵書以象山

二世皇帝元年年二十一趙高爲郎中令任用事二世

下詔增始皇寢廟犧牲及山川百祀之禮令群臣議尊

始皇廟群臣皆頓首言曰古者天子七廟諸侯五大夫

三雖萬世世不軼毀今始皇爲極廟四海之內皆獻貢

職增犧牲禮咸備毋以加先王廟或在西雍或在咸陽

天子儀當獨奉酌祠始皇廟自襄公已下軼毀所置凡

此是二世自刻石
并始皇石傍也

此乃刻始皇石

七廟群臣以禮進祠以尊始皇廟為帝者祖廟皇帝復以始皇稱真人也自稱朕二世與趙高謀曰朕年少初即位黔首未集附先帝巡行郡縣以示彊威服海內今晏然不巡行即見弱母以臣畜天下春二世東行郡縣李斯從到碣石並海南至會稽而盡刻始皇所立刻石石旁著大臣從者名以章先帝成功盛德焉其辭曰云云皇帝曰金石刻盡始皇帝所為也今襲號而金石刻辭不稱始皇帝其於久遠也如後嗣為之者不稱成功盛德丞相臣斯臣去疾與御史大夫臣德昧死言臣請具刻詔書刻石因明白矣臣昧死請制曰可遂至遼東而還於是二世乃遵用趙

高申法令。乃陰與趙高謀曰。大臣不服。官吏尚彊。及諸

公子。必與我爭。爲之奈何。高曰。臣固願言。而未敢也。備

嚴刑以立威。而擅權。先帝之大臣。皆天下累世名貴人也。積功勞

世以相傳久矣。今高素小賤。陛下幸稱舉。令在上位。管

中事。大臣鞅鞅。特以貌從臣。其心實不服。今上出不因

此時。案郡縣守尉有罪者。誅之上。以振威。天下下以除

去。上生平所不可者。近世更相輒易。建政府及言官本此。今時不師文而

決於武力。願陛下遂從時。毋疑。即群臣不及謀。明主收

舉餘民。賤者貴之。貧者富之。遠者近之。則上下集而國

安矣。二世曰善。乃行誅大臣及諸公子。以罪過連逮少

少

高云臨斥老成典
刑而希希置腹心
刑歷代治邪誤國
幸用此也

近及近侍王臣三郎中郎及郎中郎

國策調丹

近官三郎無得立者而六公子戮死於杜公子將問昆
弟三人囚於內宮議其罪獨後二世使使令將問曰公
子不臣罪當死吏致法焉將問曰闕廷之禮吾未嘗敢
不從賓贊也廊廟之位吾未嘗敢失節也受命應對吾
未嘗敢失辭也何謂不臣願聞罪而死使者曰臣不得
與謀奉書從事將問乃仰天大呼天者三曰天乎吾無
罪昆弟三人皆流涕拔劍自殺宗室振恐上振恐二字群臣諫者以
爲誹謗大吏持祿取容黔首振恐上振恐二字四月二世還至咸陽
曰先帝爲咸陽朝廷小故營阿房宮爲室堂未就會上
崩罷其作者復土酈山酈山事大畢今釋阿房宮弗就

招領下

易言抄女

卷之三

三

省

則是章先帝舉事過也。復作阿房宮外，撫四夷如始皇計。盡徵其材士五萬人為屯衛咸陽，令教射狗馬禽獸，當食者多度不足，下調郡縣轉輸粟菽芻藁，皆令自齎糧食咸陽三百里內，不得食其穀，用法益刻深。

又提嚴刑伏亂

案七月戌卒陳勝等反

始反書

故荆地為張楚，勝自立為楚王。

居陳遣諸將徇地，山東郡縣少年苦秦吏，皆殺其守尉。

應前

令丞反以應陳涉，相立為侯王，合從西鄉，名為伐秦，不

可勝數也。謁者使東方來，以反者聞，二世怒，下吏

醜亂書

後使者至上，問對曰：「群盜郡守尉方逐捕，今盡得不足

憂上悅。」武臣自立為趙王，魏咎為魏王，田儋為齊王，沛

高云武臣等為
趙起王田侯為
五和同日可也
抑殺陳勝城父破
項梁之陶公
同日可也史公
常用撮叙於二
但覺其筆勢
嚴密而可擊
班氏則以年月
分敘委細不
無個一不
義少歟其
臥美

一段

公起沛項梁舉兵會稽郡二年冬陳涉所遣周章等將
西至戲兵數十萬二世大驚與群臣謀曰柰何少府章
邯曰盜已至衆彊今發近縣不及矣酈山徒多請赦之
授兵以擊之二世乃大赦天下使章邯將擊破周章軍
而走遂殺章曹陽以下並詳項羽紀陳涉世家及高帝紀中故撮數言以見其槩二世
益遣長史司馬欣董翳佐章邯擊盜殺陳勝城父破項
梁定陶城魏咎臨濟楚地盜名將已死章邯乃北渡河
擊趙王歇等於鉅鹿趙高說二世曰先帝臨制天下久
故群臣不敢為非進邪說自古權臣必杜天下之口而後可以固寵今陛下
富於春秋初即位柰何與公卿廷決事事即有誤示群

一段分事

此委稍蔓衍
乃刪教語互折

臣短也。天子稱朕，固不聞聲。於是二世常居禁中，與高
決諸事。其後公卿希得朝見。盜賊益多，而關中卒發東
擊盜者毋已。右丞相去疾、左丞相斯、將軍馮劫進諫曰：
丞相將軍所疏晚矣。關東群盜並起，秦發兵誅擊，所殺亡甚衆，然
猶不止。盜多，皆以戍漕轉作事苦，賦稅大也。請且止阿
房宮，作者減省。四邊戍轉，二世曰：吾聞之韓子曰：堯舜
采椽不刮，茅茨不翦，飯土墼，啜土形，雖監門之養，不穀
於此。爾雅云：穀，盡也。禹鑿龍門，通大夏，決河，亭水，放之海，身自
持築垂脰，毋毛。臣虜之勞，不烈於此矣。凡所爲貴，有天
下者，得肆意極欲，主重明法，下不敢爲非，以制御海內。

矣夫虞夏之主貴爲天子親處窮苦之實以徇百姓尚
何於法朕尊萬乘母其實吾欲造千乘之駕萬乘之屬
充吾號名且先帝起諸侯兼天下天下已定外攘四夷
以安邊境作宮室以章得意而君觀先帝功業有緒今
朕卽位二年之間群盜並起君不能禁又欲罷先帝之
所爲是上母以報先帝次不爲朕盡忠力何以在位下
去疾斯刼吏案責他罪去疾刼曰將相不辱自殺斯卒
囚就五刑三年章邯等將其卒圍鉅鹿楚上將軍項羽
將楚卒往救鉅鹿冬趙高爲丞相詳斯本傳中故省竟案李斯殺之夏章
邯等戰數却二世使人讓邯邯恐使長史欣請事趙高

弗見又弗信欣恐亡去高使人捕追不及不為邯立傳故於此獨詳

欣見邯曰趙高用事於中將軍有功亦誅無功亦誅項

羽急擊秦軍虜王離邯等遂以兵降諸侯八月宦者傳巳亥趙

高欲為亂提始叛恐群臣不聽乃先設驗持鹿獻於二世曰馬

也二世笑曰丞相誤邪謂鹿為馬問左右左右或默或

言馬以阿順趙高或言鹿者高因陰中諸言鹿者以法

後群臣皆畏高高前數言關東盜毋能為也及項羽虜

秦將王離等鉅鹿下以下叙雖畧而情如畫而前章邯等軍數却

上書請益助燕趙齊楚韓魏皆立為王自關約以東大氏

盡畔秦吏應諸侯諸侯咸率其眾西鄉沛公將數萬人

陰謀事以應高

王聲曰趙高殺
二世與子嬰殺高
叙子嬰殺高
玩

已屠武關使人私於高。高恐二世怒，誅及其身，乃謝病不朝見。二世夢白虎齧其左驂馬，殺之心不樂，怪問占夢卜。曰：涇水為祟。二世乃齋於望夷宮，欲祠涇、沈、四白馬，使使責讓高以盜賊事。二世之案高晚矣高懼，乃陰與其婿咸陽令閻樂，其弟趙成謀曰：上不聽諫，今事急，欲歸禍於吾宗，吾欲易置上，更立公子嬰子嬰仁儉，百姓皆載其言。使郎中令為內應，詐為有大賊，令樂召吏發卒追劫樂，毋置高舍。遣樂將吏卒千餘人至望夷宮，殿門縛衛令僕射曰：賊入此，何不止？衛令曰：周廬設卒甚謹，安得賊敢入宮？樂遂斬衛令，直將吏入，行射。郎宦者大驚。

可憐可以為戒

或走或格格者輒死死。者數十人。郎中令與樂俱入射。上幄坐幃。二世怒。召左右。左右皆惶擾不鬪。旁有宦者一人侍。不敢去。二世入內。謂曰。公何不蚤告我。乃至於此。為萬世拒諫者之鑒宦者曰。臣不敢言。故得全。使臣蚤言。皆已誅。安得至今。閻樂前。即二世數曰。足下驕恣。誅殺無道。天下共畔足下。足下其自為計。二世曰。詳丞相可得見否。樂曰。不可。二世曰。吾願得一郡為王。弗許。又曰。願為萬戶侯。弗許。曰。願與妻子為黔首。比諸公子。閻樂曰。臣受命於丞相。為天下誅足下。足下雖多言。臣不敢報。麾其兵進。二世自殺。閻樂歸報趙高。趙高乃悉召諸大臣。公

子告以誅二世之狀曰秦故王國始皇君天下故稱帝
今六國復自立秦地益小乃以空名為帝不可宜為王
如故便立二世之兄子公子嬰為秦王以黔首葬二世
杜南宜春苑中令子嬰齋當廟見受玉璽齋五日子嬰
與其子二人謀曰丞相高殺二世望夷宮恐群臣誅之
乃佯以義立我我聞趙高乃與楚約滅秦宗室而王關
中今使我齋見廟此欲因廟中殺我我稱病不行丞相
必自來來則殺之高使人請子嬰數輩子嬰不行高果
自往曰宗廟重事王柰何不行子嬰遂刺殺高於齋宮
三族高家以徇咸陽子嬰為秦王四十六日楚將沛公

破秦軍入武關。遂至霸上。使人約降子嬰。子嬰即係頸。以組白馬素車。奉天子璽符。降軹道旁。沛公遂入咸陽。封宮室府庫。還軍霸上。居月餘。諸侯兵至。項籍為從長。以下附項羽之殺子嬰及秦諸公子宗族。遂屠咸陽。燒其宮室。虜其子女。收其珍寶貨財。諸侯共分之。滅秦之。慘作秦結尾後。各分其地。為三名。曰雍王。塞王。翟王。號曰三秦。項羽為西楚霸王。主命分天下。王諸侯。秦竟滅矣。後五年。天下定於漢。一篇掉尾

太史公曰。秦之先伯翳。嘗有勲於唐虞之際。受土賜姓。及殷夏之間。微散。至周之衰。秦興。邑于西垂。自繆公以

三篇同有重更
此古文反後折
交如離騷之中
三收意以論不
適後之不快也

來稍蠶食諸侯竟成始皇始皇自以為功過五帝地廣

三王而羞與之侔善哉乎賈生推言之也以下錯述賈生過秦三論

曰秦并兼諸侯山東三十餘郡繕津關據險塞修甲兵

而守之然陳涉以戍卒散亂之衆數百奮臂大呼不用

弓戟之兵鉏耰白挺望屋而食橫行天下秦人阻險不

守關梁不闔長戟不刺彊弩不射楚師深入戰於鴻門

曾無藩籬之難於是山東大擾諸侯並起冤哉斯言也豪俊相立秦

使章邯將而東征章邯因以三軍之衆要市於外便打特以謀

其上群臣之不信可見於此矣子嬰立遂不寤藉使子

嬰有庸主之材僅得中佐山東雖亂秦之地可全而有

史記卷六十五 留侯世家 十四

看接以爲此
爲後之妙

重。

爲之要計

宗廟之祀未當絕也。秦地被山帶河以爲固，四塞之國也。自繆公以來，至於秦王，二十餘君，常爲諸侯雄，豈世世賢哉？其勢居然也。且天下嘗同心并力而攻秦矣，當此之時，賢智並列，良將行其師，賢相通其謀，然困於阻險而不能進，秦乃延入戰而爲之開關，百萬之徒逃北而遂壞，豈勇力智慧不足哉？形不利，勢不便也。秦小邑并大城，守險塞而軍，高壘毋戰，閉關據阨，荷戟而守之。諸侯起於匹夫，以利合，非有素王之行也。其交未親，其下未附，名爲亡秦，其實利之也。彼見秦阻之難犯也，必退師安土，息民以待其敝，收弱扶罷，以令大國之君不

史記卷之三
秦本紀第三

主張

患不得意於海內。貴爲天子。富有天下。而身爲禽者。其
救敗非也。秦王足已不問。遂過而不變。二世受之。因而
不改。暴虐以重禍。子嬰孤立無親。危弱無輔。三主惑而
終身不悟。亡不亦宜乎。當此時也。世非無深慮。知化之
士也。然所以不敢盡忠拂過者。秦俗多忌諱之禁。忠言
未卒於口。而身爲戮沒矣。故使天下之士。傾耳而聽。重
足而立。掛口而不言。是以三主失道。忠臣不敢諫。智士
不敢謀。天下已亂。姦不上聞。豈不哀哉。先王知雍蔽之
傷國也。故置公卿大夫士。以飾法設刑。而天下治。其彊
也。禁暴誅亂。而天下服。其弱也。五伯征而諸侯從。其削

史記抄

法度規條

也。內守外附而社稷存。故秦之盛也。繁法嚴刑而天下
振及其衰也。百姓怨望而海內畔矣。故周五序得其道
而千餘歲不絕。秦本末並失。故不長久。由此觀之。安危
之統相去遠矣。野諺曰。前事之不忘。後事之師也。是以
君子爲國觀之上古。驗之當世。參以人事。察盛衰之理。
審權勢之宜。去就有序。變化有時。故曠日長久而社稷
安矣。賈生第一論秦孝公據殽函之固。擁雍州之地。君臣固守而窺
周室。有席卷天下。包舉宇內。囊括四海之意。并吞八荒
之心。當是時。商君佐之內。立法度。務耕織。修守戰之備。
外連衡而鬪諸侯。於是秦人拱手而取西河之外。孝公

盛時之國蓋以
秦之強

文以執為主
且有高天知自就
國之少代多用此
法以蘇之先以
用此法也蘇有
鴻往

既沒惠王武王蒙故業因遺冊南兼漢中西舉巴蜀東
割膏腴之地收要害之郡諸侯恐懼會盟而謀弱秦不
愛珍噐重寶肥美之地以致天下之士合從締交相與
爲一當是時齊有孟嘗趙有平原楚有春申魏有信陵
此四君者皆明知而忠信寬厚而愛人尊賢重士約從
離衡并韓魏燕楚齊趙宋衛中山之衆於是六國之士
有寧越徐尚蘇秦杜赫之屬爲之謀齊明周最陳軫昭
滑樓緩翟景蘇厲樂毅之徒通其意吳起孫臏帶佗兒
良王廖田忌廉頗趙奢之朋制其兵常以十倍之地百
萬之衆叩關而攻秦秦人開關延敵九國之師逡巡遁

補叙簡序
強上基為改女
作反跌

補叙簡序

逃而不敢進。秦無亡矢遺鏃之費。而天下諸侯已困矣。
於是從散約。解爭割地。而奉秦。秦有餘力。而制其敝。追
亡逐北。伏尸百萬。流血漂鹵。因利乘便。宰割天下。分裂
河山。疆國請服。弱國入朝。延及孝文王。莊襄王。享國日
淺。國家無事。及至秦王。續六世之餘烈。振長策而御宇
內。吞二周而亡諸侯。履至尊而制六合。執棰拊以鞭笞
天下。威振四海。南取百越之地。以爲桂林象郡。百越之
君。俛首係頸。委命下吏。乃使蒙恬北築長城。而守藩籬。
却匈奴七百餘里。胡人不敢南下而牧馬。士不敢彎弓
而報怨。於是廢先王之道。焚百家之言。以愚黔首。墮名

又作一擇家
而利於天下

此言諸侯
繼而反昭

城殺豪傑收天下之兵聚之咸陽銷鋒鑄鏑以爲金人
十二以弱黔首之民然後斬華爲城因河爲津據億丈
之城臨不測之谿以爲固良將勁弩守要害之處信臣
精卒陳利兵而誰何天下以定秦皇之心自以爲關中
之固金城千里子孫帝王萬世之業也秦王旣沒餘威
振於殊俗陳涉甕牖繩樞之子甞隸之人而遷徙之徒
才能不及中人非有仲尼墨翟之賢陶朱猗頓之富躡
足行伍之間而倔起什伯之中率罷散之卒將數百之
衆而轉攻秦斬木爲兵揭竿爲旗天下雲集響應羸糧
而景從山東豪俊遂並起而亡秦族矣且夫天下非小

鍾云按以下五字
短也通文勢起伏
五字也字相照下
可觀古人手法

弱也。雍州之地，殽函之固，自若也。陳涉之位，非尊於齊
楚、燕、趙、韓、魏、宋、衛、中山之君；鉏耰棘矜，非鏃於旬戟、長
鍛也。適戍之衆，非抗於九國之師；深謀遠慮，行軍用兵
之道，非及鄉時之士也。然而成敗異變，功業相反也。試
使山東之國與陳涉度長絜大，比權量力，則不可同年
而語矣。然秦以區區之地，千乘之權，招八州而朝同列，
百有餘年矣。然後以六合爲家，殽函爲宮，一夫作難而
七廟墮，身死人手，爲天下笑者，何也？仁義不施而攻守
之勢異也。秦并海內，兼諸侯，南面稱帝，以養四海，天下
之士斐然鄉風者，是若何也？曰：近古之無王者久矣。周

他本作若愚者何也

室卑微五霸既歿令不行於天下是以諸侯力政疆侵
弱衆暴寡兵革不休士民罷敝今秦南面而王天下是
上有天子也既元元之民莫得安其性命莫不虛心而
仰上當此之時守威定功安危之本在於此矣秦王懷
貪鄙之心行自奮之智不信功臣不親士民廢王道立
私權禁文書而酷刑法先詐力而後仁義以暴虐爲天
下始夫并兼者高詐力安定者貴順權此言取與守不
同術也秦離戰國而王天下其道不易其政不改是其
所以取之守之者異也孤獨而有之故其亡可立而待
借使秦王計上世之事並殷周之迹以制御其政後雖

又作桓桓不徑
走下
此西寺素二世

有淫驕之主。而未有傾危之患也。故三王之建天下。名
號顯美。功業長久。今秦二世立。天下莫不引領而觀其
政。夫寒者利短褐。而飢者甘糟糠。天下之嗷嗷。新主之
資也。此言勞民之易爲仁也。鄉使二世有庸主之行。而
任忠賢。臣主一心。而憂海內之患。綈素而正先帝之過。
裂地分民。以封功臣之後。建國立君。以禮天下。虛囹圄
而免刑戮。除去收帑汙穢之罪。使各反其鄉里。發倉廩。
散財幣。以振孤獨窮困之士。輕賦少事。以佐百姓之急。
約法省刑。以持其後。使天下之人皆得自新。更節修行。
各慎其身。塞萬民之望。而以威德與天下。天下集矣。即

四海之內皆謹然各自安樂其處唯恐有變雖有狡猾之民無離上之心則不軌之臣無以飾其智而暴亂之奸止矣二世不行此術而重之以無道壞宗廟與民更始作阿房宮繁刑嚴誅吏治刻深賞罰不當賦歛無度天下多事吏弗能紀百姓困窮而主弗收恤然後奸僞並起而上下相遁蒙罪者衆刑戮相望於道而天下苦之自君卿以下至於衆庶人懷自危之心親處窮苦之實咸不安其位故易動也是以陳涉不用湯武之實不藉公侯之尊奮臂於大澤而天下響應者其民危也故先王見始終之變知存亡之機是以牧民之道務在安

之而已。天下雖有逆行之臣，必無響應之助矣。故曰：安民可與行義，而危民易與爲非。此之謂也。貴爲天子，富有天下，身不免於戮殺者，正傾非也。是二世之過也。

孝明皇帝十七年十月十五日乙丑日。

索隱曰：此已下是漢孝明帝訪

班固評賈馬贊中論秦亡之周歷已移，仁不代母。秦直

固本欲奉水河
是以子代母

其位。呂政殘虐，然以諸侯十三并兼天下，極情縱欲，養育宗親，三十七年兵無所不加，制作政令，施於後王，蓋得聖人之威。河神授圖，據狼弧，蹈參伐，佐攻驅除，距之稱始皇。始皇既歿，胡亥極愚，酈山未畢，復作阿房，以遂前策。云凡所爲貴有天下者，肆意極欲，大臣至欲罷先。

君所爲誅斯去疾任用趙高痛哉言乎人頭畜鳴不威
不伐惡不篤不虛亡距之不得留殘虐以促期雖居形
便之國猶不得存子嬰度次得嗣冠玉冠佩華紱車黃
屋從百司謁七廟小人乘非位莫不悅忽失守偷安日
日獨能長念却慮叙得可憐父子作權近取於戶牖之間竟誅猾
臣爲君討賊高死之後賓婚未得盡相勞餐未及下咽
酒未及濡脣楚兵已屠關中真人羽霸上素車嬰組奉
其符璽以歸帝者鄭伯茅旌鸞刀嚴王退舍河決不可
復壅魚爛不可復全賈誼司馬遷曰向使嬰有庸主之
才僅得中佐山東雖亂秦之地可全而有宗廟之祀未

當絕也。秦之積衰。天下土崩瓦解。雖有周旦之才。無所復陳其巧。而以責一日之孤。誤哉。俗傳秦始皇起罪惡。胡亥極得其理矣。復責小子云。秦地可全。所謂不通時變者也。紀季以鄫。春秋不名。吾讀秦紀。至於子嬰車裂。趙高未嘗不健。其決憐其志。嬰死生之義。備矣。

始皇紀畢

